

ՀՍՍՐ ԳԻՏՈՒԹՅՈՒՆՆԵՐԻ ԱԿԱԴԵՄԻԱՅԻ ԸՆԴՀԱՆՈՒՐ ԺՈՂՈՎՐ

Մարտի 23—24-ը տեղի ունեցավ Հայկական ՍՍՐ գիտությունների ակադեմիայի ընդհանուր ժողովը, որը քննարկեց ակադեմիայի 1964 թ. գործունեության արդյունքները, ընտրեց ակադեմիայի նոր ակադեմիկոսներ և թղթակից-անդամներ:

Ժողովը ներածական խոսքով բացեց ակադեմիայի պրեզիդենտ Վ. Համբարձումյանը: Նա հանրագումարի բերելով հաշվետու ժամանակաշրջանում ակադեմիայի գիտահետազոտական հիմնարկների կատարած աշխատանքները, կանգ առավ հանրապետությունում դիտության զարգացման նոր խնդիրների վրա:

— ՍՍՌԻ եղբայրական ժողովուրդների ընտանիքում, — ասաց նա, — մեր հանրապետության աշխատավորները անցած տարի մեծ հաջողությունների առանձնագրով տնտեսության ու մշակույթի բոլոր բնագավառներում:

Հայաստանի Կոմկուսի կենտկոմը, կառավարությունը, ամբողջ ժողովուրդը մեծ ուղադրություն են դարձնում գիտության զարգացմանը, այն համարում հանրապետության առաջընթացի կարևոր նախապայմաններից մեկը: Ստեղծվում են նոր գիտական հիմնարկներ, ժամանակակից բարդ կայաններ, պատրաստվում նոր կադրեր: Բավական է ասել, որ 1958 թ. հետ համեմատած Հայաստանում գիտական աշխատողների թիվը աճելի բան կրկնապատկվել է և այժմ անցնում է 7 հազարից:

Լուրջ աշխատանքներ են կատարվել գիտության նվաճումները ժողովրդական տնտեսությանը ծառայեցնելու ուղղությամբ: Առանձին տնտեսությունների զարգացման բնագավառում զգալի հաջողությունների են հասել մաթեմատիկոսներն ու մեխանիկները, քիմիկոսներն ու կենսաբանները: Հաշվողական կենտրոնում աշխատանքներ են կատարվել մաթեմատիկական լեզվաբանության և մեխանիկական թարգմանությունների ուսումնասիրման ուղղությամբ: Այս տարի պատրաստ կլինի մասնագիտացված թարգմանական առաջին էլեկտրոնային մեքենան, որը հանրապետություն կտա որոշ տերստեր ուսերենից թարգմանել հայերեն:

Քյուրականի աստղադիտարանում հետազոտություններ են սկսվել աստրոֆիզիկայի բոլոր ոլորտներում: Նոր բնագավառում՝ գալակտիկաների կորիզների ուսումնասիրման ուղղությամբ, կատարված են գալակտիկաների հետաքրքիր լու-

սաշափական ու գունաչափական հետազոտություններ:

Պրեզիդենտ Վ. Համբարձումյանը նշեց նաև այն, որ գիտնականները առայժմ քիչ են շոշափում հանրապետության էկոնոմիկայի համար կարևոր նշանակություն ունեցող պրակտիկ հարցեր: Այսպես, Հայաստանի մեծագույն հարստություններից մեկը՝ մոլիբդենն է, բայց մենք դեռ չենք հասել այդ արժեքավոր մետաղի ոռոգման ու արդյունավետ օգտագործմանը:

Վ. Համբարձումյանը խոսելով կենսաբանական գիտության մասին, նշեց, որ չնայած էիսենկոյի խումբը զգալի վնաս հասցրեց մի շարք կարևոր ճյուղերի զարգացմանը, Հայաստանի գիտությունների ակադեմիայում որոշակի աշխատանքներ տարվեցին ագրոքիմիայի բնագավառում: Բույսերի անհող աճեցման վերաբերյալ ուսումնասիրությունն ունի ոչ միայն գիտական նշանակություն, այլև գործնական արժեք: Այն կարող է կիրառվել բանջարեղենի մի շարք տեսակների վաղ աճման, վիտամիններով հարուստ կերի ստացման համար: Ակադեմիայում արդեն միջոցներ են ձևակերպված կենսաբանական ժամանակակից ուղղությունների զարգացման համար:

Դիտությունների ակադեմիայի 1964 թ. գործունեության հիմնական արդյունքները մասին հաշվետվությունը ցույց տվեց, որ գիտահետազոտական հիմնարկները կենսազործելով կուսակցության ու կառավարության որոշումները, 1964 թ. ընթացքում կատարել են զգալի աշխատանք: Ակադեմիայի բոլոր 5 րաժամունքների (ֆիզիկա-տեխնիկական և մաթեմատիկական, քիմիական, երկրի մասին, կենսաբանական, հասարակական գիտությունների) մեջ մտնող 25 գիտահետազոտական հիմնարկների 1964 թ. գիտական գործունեությունը ընթացել է ՍՍՌԻ Մինիստրների սովետի, Հայկական ՍՍՐ Մինիստրների սովետի և ՍՍՌԻ գիտությունների ակադեմիայի կողմից հաստատված 80 պրոր-էկտների գծով, որոնք ընդգրկում են 363 թեմա:

Ակադեմիայի 1964 թ. գործունեության հաշվետվության շուրջը ծավալվեց մտքերի լայն փոխանակություն:

— Չնայած իր զույլության կարճ ժամանակին, — իր ելույթում ասաց ակադեմիկոս Ա. Նալբանդյանը, — քիմիական ֆիզիկայի լար-

յատուրիան ՍՍՌՄ գիտությունների ակադեմիայի թիմիական ֆիզիկայի ինստիտուտի հետ համատեղ մշակեց տեսական և պրակտիկ նշանակություն ունեցող պրոբլեմներ, տպագրեց 20-ից ավելի գիտական հոդվածներ: Այժմ բարոատորիայում աշխատանքներ են տարվում լուցերում շղթայական ռեակցիաների ուսումնասիրման ուղղությամբ: Նախատեսված է ուսումնասիրություններ կատարել բնական և հարակից նավթագազերի թթվեցման մեխանիզմի և կինետիկայի ուղղությամբ:

Ակադեմիկոս Ա. Կարինյանի ելույթը նվիրված էր հասարակական գիտությունների բաժանմունքի գիտահետազոտական հիմնարկների գործունեության արդյունքին:

Ակադեմիկոս Աշոտ Հովհաննիսյանը խոսելով հայագիտության զարգացման մասին, առաջին հայագիտական կոնգրես կազմակերպելու անհրաժեշտության հարցը: Երևանի պետական համալսարանի ռեկտոր Հ. Բատիկյանն իր ելույթում ընդգծեց, որ ակադեմիայի գիտահետազոտական հիմնարկների կապը թույլ է բուհերի հետ: Ակադեմիայի վիցե-պրեզիդենտ Հ. Բունիաթյանը իր ելույթը նվիրեց գիտական հիմնարկների բազաների շինարարությանը, ընդգծելով, որ գիտության զարգացման արդի խրեդիները պահանջում են արագացնել շինարարության տեմպերը: Հնագիտության և ազգագրության ինստիտուտի ղեկավար, դոկտոր, պրոֆեսոր Բ. Առաքելյանը իր ելույթում բացահայտեց գիտական կադրերի պատրաստման գործում եղած թերությունները:

Քննարկվող հարցերի շուրջը ելույթներ ունեցան նաև ակադեմիկոսներ Ա. Ղարիբյանը, Ի. Եղիազարովը, Ա. Առաքելյանը, թղթակից-անդամներ Ա. Բարայանը, Վ. Թառայանը:

Ակադեմիայի ընդհանուր ժողովում լսվեցին նաև գիտական զեկուցումներ: «Անիզոտրոպ շերտավոր թաղանթների ժամանակակից հարցերը» թեմայով զեկուցումով հանդես եկավ ՀՍՍՌ ԳԱ թղթակից-անդամ Ս. Համբարձումյանը, «Ակադեմիկոս Ն. Յա. Մառը՝ սովետական ականա-

վոր գիտնական (ձեռքյան հարյուրամյակի առթիվ)» թեմայով՝ ՀՍՍՌ ԳԱ ակադեմիկոս Ա. Ղարիբյանը, «Թարձրակարգ բույսերի ծերացումը» թեմայով՝ կենսաբանական գիտությունների դոկտոր Վ. Ղազարյանը:

Ընդհանուր ժողովը ընտրեց Հայկական ՍՍՌ գիտությունների ակադեմիայի նոր ակադեմիկոսներ և թղթակից-անդամներ:

Հայկական ՍՍՌ գիտությունների ակադեմիայի ակադեմիկոսներ ընտրվեցին Ստեփան Զորյանը, Կարապետ Մելիք-Օհանջանյանը (գրականագիտություն), Նորայր Սիսակյանը (բույսերի բիոքիմիա), Սերգեյ Համբարձումյանը (մեխանիկա):

Ակադեմիայի նորընտիր թղթակից-անդամներ ընտրվեցին Ռաֆայել Ալեքսանդրյանը և Ալեքսանդր Թալալյանը (մաթեմատիկա), Գրիգոր Գուրգադյանը և Բենիամին Մարգարյանը (աստրոֆիզիկա), Գուրգեն Սահակյանը (տեսական ֆիզիկա), Կեղեկ Ավագյանցը (կիսահաղորդիչների էլեկտրոնիկա), Հովհաննես Զաթիկյանը (ֆիզիկական քիմիա), Աշոտ Ասլանյանը (երկրաբանություն), Վահան Ղազարյանը (բույսերի ֆիզիոլոգիա), Գևորգ Ղարիբջանյանը (ՍՄԿՊ պատմություն), Արամ Ղանալանյանը (գրականագիտություն), Վազգեն Զալոյանը (փիլիսոփայություն):

Ընտրվեցին նաև ակադեմիայի արտասահմանյան անդամներ՝ Բիոքիմիկոս Մանաս Սևվակը (ԱՄՆ) և հայագետ Սիրարփի Տեր-Ներսիսյանը (Ֆրանսիա):

Ժողովը ակադեմիայի վիցե-պրեզիդենտ ընտրեց ակադեմիկոս Մ. Ներսիսյանին: Հասարակական գիտությունների բաժանմունքի ակադեմիկոս քարտուղար և ակադեմիայի նախագահության անդամ ընտրվեց Ս. Երեմյանը:

Ակադեմիայի ընդհանուր ժողովին մասնակցում էին ՀԿՊ Կենտկոմի երկրորդ քարտուղար Հովհ. Բաղդասարյանը և ՀՍՍՌ Գերագույն սովետի նախագահության նախագահ Ն. Հարությունյանը:

* * *

ԳԱ ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐԻ ԲԱԺԱՆՄՈՒՆՔԻ ԺՈՂՈՎՈՐ

1964 թ. մարտի 20-ին տեղի ունեցավ ՀՍՍՌ ԳԱ հասարակական գիտությունների բաժանմունքի ընդհանուր ժողովը: Բաժանմունքի գիտահետազոտական հիմնարկների 1964 թ. գործունեության մասին զեկուցեց բաժանմունքի ակադեմիկոս քարտուղար, ակադեմիկոս Մ. Գ. Ներսիսյանը:

Զեկուցողը նշեց, որ բաժանմունքի գիտահետազոտական հիմնարկները զգալի աշխատանք են կատարել 1964 թ. գիտահետազոտական պլանների կատարման գործում: Բաժանմունքի գիտական կոլեկտիվները գիտահետազոտական ուսումնասիրություններ են կատարել 135 թեմա-առարարանքների ուղղությամբ:

Տնտեսագիտության ինստիտուտը 1964 թ. զբաղվել է արտադրական ուժերի տեղաբաշխման, ժողովրդական տնտեսության պլանավորման, նրա աշխատանքային ու նյութական ռեսուրսների առավել նպատակահարմար օգտագործման խնդիրներով: Ինստիտուտի կոլեկտիվի ուսումնասիրած կարևոր թեմաներից են «Հանրային տնտեսության մեջ բնակչության զբաղվածության բարձրացման հիմնական ուղղությունները 1966—1970 թվականներին», «Կապիտալ ներդրումների տնտեսական էֆեկտիվության բարձրացման ուղիները ՀՍՍՌ արդյունաբերության հիմնական ճյուղերում», «Նյութական շահագրգռվածությունը և գյուղատնտեսական արտադրության եկամտաբերության բարձրացումը» և այլն:

Պատմության ինստիտուտը հաշվետու տարում շարունակել է աշխատանքը հայ ժողովրդի բազմադարյան պատմության ուսումնասիրման ուղղությամբ: Ինստիտուտի գիտահետազոտական աշխատանքներն ընթացել են հինգ պորթլեմների գծով՝ ռուսերենի սոցիալիստական մեծ ինդուստրիայի, սոցիալիստական և կոմունիստական շինարարության պատմության, կապիտալիստական շահաբաժնեի գեներալի և պատմության, ստրկատիրական հասարակության պատմության, ֆեոդալական հասարակարգի գեներալի և պատմության ու Հայ ժողովրդի պատմության բազմահատորյակի ուղղությամբ: Հիմնականում ավարտված է բազմահատորյակի առաջին հատորի խմբագրումը, շարադրված է երկրորդ հատորի նշանակալից մասը, հիմնականում ավարտված է երրորդ հատորի շարադրանքը, խմբագրվում է չորրորդ հատորը:

1964 թ. ավարտված թեմաների շարքումն են «Հոկտեմբերյան ինդուստրիայի հաղթանակը Անդրկովկասում», «Հայկական ՍՍՌ տեխնիկական ինտելիգենցիայի կազմավորումը և զարգացումը», «Ազգային ազատագրական շարժումը Արևմտյան Հայաստանում», «Հայաստանի և հարևան երկրների պետական կարգը հելլենիստական ժամանակաշրջանում» և այլ թեմաներ: 1964 թ. ինստիտուտը հրատարակել է Լ. Խուրշուդյանի «Սփյուռքահայ կուսակցությունները ժամանակակից Հայաստանում», Վ. Հակոբյանի «Կապիտալիզմի հայացք», Վ. Միքայելյանի «Ղրիմի հայկական գաղութի պատմությունը», «Գիրք հերոսների մասին» (հեղինակների կոլեկտիվ) և այլ աշխատություններ:

Հաշվետու տարում զգալի աշխատանքներ են կատարել նաև Մ. Արեղյանի անվան գրականության և Հ. Աճառյանի անվան լեզվի ինստիտուտները: Այդ ժամանակաշրջանում գրականության ինստիտուտի կոլեկտիվի կատարած գի-

տահետազոտական ուսումնասիրությունները հիմնականում ընթացել են արդի ժամանակաշրջանում հայ գրականության զարգացման օրինաչափությունների, մարքս-լենինյան գրականության, պոետիկա և գեղարվեստական գրականության ոճաբանության, հայ նոր գրականության, հայ հին և միջնադարյան գրականության, գրական կապերի, հայ պարբերական մամուլի պատմության պրոբլեմների ուղղությամբ:

Լեզվի ինստիտուտը 1964 թ. հրատարակել է Գ. Զահուկյանի «Հայաստան լեզուն և նրա աղբյուրները հնդեվրոպական լեզուների սիստեմում», Վ. Առաքելյանի «Հայերենի շարահյուսություն» (2-րդ հատոր), է. Աղայանի «Գրաբարի գիտական քերականություն» (1-ին դիրք), Ս. Էլոյանի «Ածանցները ժամանակակից հայերենում», Ռ. Բաղդամյանի «Շամախիի բարբառը», «Լեզվի և ոճի հարցեր» ժողովածուի երկրորդ հատորը և այլ աշխատություններ:

Ժողովում նշվեց՝ հնագիտության և ազգագրության ինստիտուտի, արևելագիտության, փիլիսոփայության և իրավունքի սեկտորների զբաղված աշխատանքը գիտահետազոտական մի շարք կարևոր թեմաների մշակման գործում:

Հնագիտության և ազգագրության ինստիտուտում մեծ տեղ են զբաղում արշավային-դաշտային աշխատանքները: Հաշվետու ժամանակում կատարվել են էնեոլիթի և բրոնզի դարյան, ուրարտական, հին Հայաստանի (անտիկ շրջան), Հայաստանի միջնադարյան հուշարձանների, Արինբրդի, Նոր Արմավիրի, Հին Արմավիրի, Գլինի պեղումները: Իսկ ազգագրության ինստիտուտի գիտարշավները շարունակել են Հայկական ՍՍՌ սահմաններից դուրս գտնվող հայերի ազգագրական ուսումնասիրությունը և այլ աշխատանքներ:

Արևելագիտության սեկտորում աշխատանքներ են ծավալվել ազգային ազատագրական և բանվորական շարժումների, Մերձավոր և Միջին Արևելքի երկրների ներքին և արտաքին քաղաքականության, կուլտուրայի պատմության, բրդապահության ուղղություններով, ինչպես նաև արևելյան սկզբնաղբյուրների պատրաստման ու հրատարակման գործում:

Փիլիսոփայության և իրավունքի սեկտորի գիտնականների ուղադրությունն ուղղված է եղել սոցիալիզմի զարգացման և կոմունիզմի անցման օրինաչափությունների, դիալեկտիկական մատերիալիզմի և բնության փիլիսոփայության, բուրժուական գաղափարախոսության քննադատության, մարքս-լենինյան էսթետիկայի պրոբլեմների, հայ փիլիսոփայության պատմության, պետության և իրավունքի հարցերի ուսումնասիրմանը:

Ջեկուցման շուրջը ծավալված մտքերի փոխանակությանը մասնակցեցին ակադեմիկոսներ Ա. Կարինյանը, Ա. Ղարիբյանը, պատմության ինստիտուտի դիրեկտոր, պատմական գիտությունների դոկտոր, պրոֆեսոր Գ. Գալոյանը, փիլիսոփայության և իրավունքի սեկտորի վարիչ, գիտության վաստակավոր գործիչ Հ. Ասլանյանը, արևելագիտության սեկտորի վարիչ, պատմական գիտությունների թեկնածու Հ. Ին-

ճիկյանը և պատմական գիտությունների դոկտոր Կ. Ղաֆադարյանը:

Ժողովի մասնակիցները լսեցին բանասիրական գիտությունների դոկտոր Խ. Սարգսյանի «Ակադեմիկոս Մ. Աբեղյանի դիտական ժառանգությունը (ծննդյան հառուր ամյակի առթիվ)», ակադեմիկոս Ա. Առաքելյանի «Արդյունաբերության հիմնական ֆոնդերի օգտագործման բարելավման պրոբլեմները» թեմաներով զեկուցումները: